

赴台南拍MV 被粉紅夕陽震撼

雲浩影帶病開工 逛夜市冇得食

將於下月初在旺角麥花臣場館舉行首次個人演唱會的雲浩影（Cloud），早前飛往台南拍新歌《你的損失》MV，開心經歷了三個第一次，第一次唱台式硬淨風格的情歌、第一次踏足台南、第一次親眼看到粉紅色夕陽。可惜此行她不幸發燒，無法享受當地美食，收工更遑到冇胃口！

■雲浩影帶病上陣，望着美食都沒有胃口。



■首次到台南的雲浩影心情超開心。

「仙氣女神」雲浩影今年第二首派台歌《你的損失》嘗試新曲風，她說：「今次去咗台南拍MV，亦都係我人生第一次踏足台南。《你的損失》係一首台式情歌，有啲似我細細個聽張惠妹同A-Lin嘅歌，仲特登揀咗去台灣拍MV。」

「硬淨」唱腔有新鮮感

一向予人柔弱的Cloud，新歌由歌詞到唱腔都令人感到「硬淨」，連Cloud在社交媒體發文宣傳新歌的文案都散發堅強感覺：「雖然你把我寵得像公主，但背叛公主的騎士，我不要了！沒有你的世界，或許辛苦一點，狼狽一點……但至少沒有心碎！」MV由金像剪接大

師李謙明擔任導演，今次是兩人第三度合作，默契十足。

Cloud說：「好開心今次台南拍MV，我哋去咗好多好靚嘅景點，仲睇咗我人生目前No.1嘅夕陽，全個天空都係粉紅色㗎！」

MV中，Cloud獨自欣賞夕陽、沙灘漫步、吹肥皂泡、夜市玩攤位，凸顯一個人都可以很快樂。她說：「去咗夜市拍攝，可惜我唔舒服，食唔到好味嘅嘢，加上發燒，收工返到酒店太邋，嗌咗外賣都冇到食唔到，成個人厭咗！」返港好好休息後，Cloud已經痊癒，全力投入綵排演唱會。



■雲浩影首次欣賞粉紅色夕陽。

張玉珊瘋狂買禮「襪」

張玉珊（Shirley）日前出席雜貨品牌開幕禮，她透露最愛毛絨絨的物品，並分享生活哲學：「選擇一條對自己呵護備至嘅毛巾係非常重要，首先一定要柔滑唔粗糙，第二吸水能力一定要好，第三就係一定要夠耐用。」平日非常鍾情簡約生活美學的Shirley於現場進入「購物模式」，除了買心頭好外，亦不忘挑選防水物品作為禮物送給好友，更一次過購入不同顏色的防水襪，她說：「香港春夏季成日打風又落大雨，防水襪簡直可以話係女士恩物。」



■張玉珊着重毛巾的耐用及舒適度。

李小龍解剖出現不尋常情況



■麥海雄承認當日判定李小龍死亡時犯了錯誤。

由方東昇、黃曉瑩與李嘉嘉主持的無綫新聞資訊節目《真相·情·尋》，今晚在翡翠台首播，頭炮拆解「李小龍猝死之謎」。3人大半年前重啟調查，接觸案中第一現場重要人證，又訪問李小龍胞弟李振輝，以及為李小龍搶救半小時的醫生麥海雄等。當年在伊利沙伯醫院為李小龍搶救的麥海雄，首度披露急救過程的幾個不尋常情況，當日他在法律上判定李小龍死亡，但受訪時坦承自己當晚犯錯，並親述解剖時的重大發現，更解開流傳多年的「金槍不倒」謎團。

葉童黃德斌唱出心底話



■葉童與黃德斌表示重演《唔講得》會有新元素。

由葉童和黃德斌主演的舞台劇《唔講得》將於9月4日至7日在香港文化中心大劇院重演，日前兩人與拍檔楊永德、翁煒桐和李俊樂進行新一輪排練，葉童說：「今次同德斌再合作有一種熟悉嘅距離感，唔知係咪一種感情嘅昇華，就好似要行番遠少少去觀望佢嘅嗰種感覺。我唔知德斌點諗，但我覺得佢好似避緊我，佢開始對我有距離感！冇嘢嘅，我接受到

嘅，有啲你唔想講嘅就唔好講，我明有啲嘢係唔講得嘅。」

葉童笑言今次重演有新嘗試：「我同德斌本來嗰個劇度鬧交，鬧鬧吓就不如『唱』好似好啲。」德斌說：「我哋會喺現場互『唱』，將心底話『唱』出嚟。」葉童說：「我唔單止會獨唱樂壇大姐大嘅歌，我仲會同德斌合唱一首天王天后級嘅歌，去『唱』出我哋劇入面嘅心情。」